

SPITALLA SOLAR sh.p.k

**Pasqyrat Financiare
për periudhën nga 25 mars 2021
deri më 31 dhjetor 2021**

Përmbajtja:

Pasqyra e Pozicionit Financiar.....	1
Pasqyra e Fitimit ose Humbjes dhe të Ardhurave të tjera Gjithëpërfshirëse.....	2
Pasqyra e Flukseve të Mjeteve Monetare.....	3
Pasqyra e Ndryshimeve në Kapital.....	4
Shënime shpjeguese të pasqyrave financiare.....	5-12

SPITALLA SOLAR SHPK
Pasqyra e Pozicionit Financiar

(shumat në Lekë, nëse nuk është specifikuar ndryshe)

	Shënimi	31 dhjetor 2021
Aktivët		
Parapagime dhe aktive të tjera	6	6,254,866
Mjete monetare dhe ekuivalentët e tyre	7	5,385,353
Totali i aktiveve afatshkurtra		11,640,219
Totali i aktiveve		11,640,219
Kapitali Neto		
Kapital themeltar	5	12,386,000
Humbja e vitit	13	(762,521)
Totali i Kapitalit Neto		11,623,479
Detyrimet		
Llogari të pagueshme dhe të tjera detyrime	8	16,740
Detyrimet afatshkurtra		16,740
Total i detyrimeve dhe Kapitalit Neto		11,640,219

Pasqyra e pozicionit financiar duhet të lexohet së bashku me shënimet shpjeguese në faqet 5 deri 12 që janë pjesë përbërëse e këtyre pasqyrave financiare.

SPITALLA SOLAR SHPK**Pasqyra e Fitimit ose Humbjes dhe e të Ardhurave të tjera Gjithëpërfshirëse***(shumat në Lekë, nëse nuk është specifikuar ndryshe)*

	Shënimi	31 dhjetor 2021
Të ardhura	9	-
Shpenzime të veprimtarisë		
Shpenzime personeli	10	(150,660)
Shpenzime të tjera operative	11	(448,413)
Shpenzime të veprimtarisë		(599,073)
Humbja operative		(599,073)
Fitim neto nga kursi i këmbimit	12	(163,448)
Shpenzime financiare, neto		(163,448)
Humbja para tatimit		(762,521)
Tatimi mbi fitimin		-
Humbja e vitit	13	(762,521)
Të ardhura të tjera gjithëpërfshirëse, pas tatimit		-
Totali i të ardhurave gjithëpërfshirëse të vitit		(762,521)

Pasqyra e fitimit ose humbjes dhe e të ardhurave të tjera gjithëpërfshirëse duhet të lexohet së bashku me shënimet shpjeguese në faqet 5 deri 12 që janë pjesë përbërëse e këtyre pasqyrave financiare.

SPITALLA SOLAR SHPK Pasqyra e Flukseve të Mjeteve Monetare*(shumat në Lekë, nëse nuk është specifikuar ndryshe)*

	Shënimi	31 dhjetor 2021
I. Rrjedha e parasë nga aktivitetet e shfrytëzimit		
Humbja neto për vitin	13	(762,521)
<i>Ndryshime në kapitalin punues:</i>		
Pakësim/(rritje) në kërkesa për t'u arkëtuar	7	(6,254,866)
Rritje/(Pakësim) në detyrime për t'u paguar	9	16,740
Rrjedha e parasë nga aktivitetet e shfrytëzimit		(7,000,647)
Mjetet monetare neto nga aktivitetet e shfrytëzimit		(7,000,647)
II. Rrjedha e parasë në aktivitetet investuese		
		-
III. Rrjedha e parasë në aktivitetet financuese		
Kapital themeltar		12,386,000
Mjetet monetare neto nga aktivitetet financuese		12,386,000
IV. Rritja / (zvogëlimi) neto në parane e gatshme dhe ekuivalentët e saj		5,385,353
V. Paraja e gatshme dhe ekuivalentët e saj në fillim të periudhës		
		-
VI. Paraja e gatshme dhe ekuivalentet e saj në fund të periudhës		5,385,353

Pasqyra e flukseve të mjeteve monetare duhet të lexohet së bashku me shënimet shpjeguese në faqet 5 deri 12 që janë pjesë përbërëse e këtyre pasqyrave financiare.

SPITALLA SOLAR SHPK

Shënime shpjeguese të pasqyrave financiare për vitin e mbylltur më 31 dhjetor 2021

(shumat në Lekë, nëse nuk është specifikuar ndryshe)


	Kapitali themeltar	Humbja e vitit	Totali
Gjendja më 25 mars 2021	12,386,000	-	12,386,000
Humbja e vitit	-	(762,521)	(762,521)
Gjendja më 31 dhjetor 2021	12,386,000	(762,521)	11,623,479

Pasqyra e ndryshimeve në kapital duhet të lexohet së bashku me shënimet shpjeguese në faqet 5 deri 12 që janë pjesë përbërëse e këtyre pasqyrave financiare.

Këto pasqyra financiare u aprovuan nga Administratori i Spitalla Solar sh.p.k. më 25 mars 2022.


Joso Malcata
Administrator




PwC Consulting Sh.p.k.
Hartuesi



SPITALLA SOLAR SHPK

Shënime shpjeguese të pasqyrave financiare për vitin e mbyllur më 31 dhjetor 2021

(shumat në Lekë, nëse nuk është specifikuar ndryshe)

1. INFORMACION I PËRGJITHSHËM

Spitalla Solar Shpk (më poshtë referuar si 'Shoqëria') është themeluar më 25 mars 2021, me NIPT M11609003K. Shoqëria ka ortak të vetëm, shoqërinë Voltalia Management International B.V.

Shoqëria ka pjesë të aktivitetit të saj projektimin, ndërtimin, instalimin, komisionimin, financimin, operimin, përmirësimin dhe mirëmbajtjen e centralit të prodhimit të energjisë nga dielli dhe infrastrukturës shërbyese, përfshirë panelet fotovoltaike të ndodhura në Spitallë, Durrës sipas Marrëveshjes për Zhvillimin e Projektit Fotovoltaike të lidhur mes Ministrisë së Infrastrukturës dhe Energjisë së Republikës së Shqipërisë dhe Voltalia SA.

Adresa e regjistruar e Shoqërisë është rruga Bajram Curri, ndërtesa European Trade Center (ETC), Kati 9, Zyra 3, Tiranë.

Administratorë e Shoqërisë janë Joao Manuel Da Silva Boavida Malcata dhe Gustavo Manuel Ferreira Fernandes.

Shoqëria ka patur 2 punonjës (administratorë) më 31 dhjetor 2021.

2. BAZA E KONTABILITETIT

Përgatitja e pasqyrave financiare është në përputhje me Standardet Kombëtare të Kontabilitetit (SKK-të).

2.1 PARIMI I VIJIMËSISË

Në mars 2020, Organizata Botërore e Shëndetësisë shpalli përhapjen e COVID-19 një pandemie globale. Në përgjigje të pandemisë, autoritetet shqiptare zbatuan masa të shumta në përpjekje për të kufizuar përhapjen dhe ndikimin e COVID-19, si ndalimet dhe kufizimet e udhëtimit, karantina dhe kufizimet deri në mbyllje të aktivitetit të bizneseve. Pavarësisht lehtësimeve në disa nga masat e mësipërme, që nga 31 dhjetori 2021, nivelet globale të infeksionit mbeten të larta, shkalla e vaksinimit është relativisht e ulët dhe ekziston rreziku që autoritetet shqiptare të vendosin kufizime shtesë në periudhat e mëvonshme, për shkak të varianteve të reja të shfaqura të virusit.

Në vitin 2021 ekonomia shqiptare tregoi dinamikë pozitive në rimëkëmbjen nga pandemia.

Menaxhimi po ndërmerr masat e nevojshme për të siguruar qëndrueshmërinë e operacioneve dhe për të mbështetur klientët dhe punonjësit e saj.

Efektet e ardhshme të situatës aktuale ekonomike dhe masat e mësipërme janë të vështira për tu parashikuar dhe pritjet dhe vlerësimet aktuale të menaxhimit mund të ndryshojnë nga rezultatet aktuale.

Drejtimi beson se Shoqëria do vazhdojë të realizojë fitime në të ardhmen dhe nuk do të cënohet parimi i vijimësisë. Ndaj, Shoqëria ka përgatitur këto pasqyra financiare bazuar në parimin e vijimësisë.

3. PËRMBLEDHJE E POLITIKAVE KONTABËL

Politikat kontabël të paraqitura më poshtë janë zbatuar në mënyrë të vazhdueshme përgjatë gjithë periudhave të paraqitura në këto pasqyra financiare.

3.1. Baza e matjes

Pasqyrat financiare janë përgatitur bazuar në parimin e kostos historike.

3.2. Monedha funksionale dhe raportuese

Këto pasqyra financiare janë paraqitur në Lekë shqiptar (Lekë), që është dhe monedha funksionale dhe raportuese e Shoqërisë.

(a) Transaksione në monedhë të huaj

Transaksionet në monedhë të huaj konvertohen në monedhën funksionale me kursin e këmbimit në datën e transaksioneve ose datën e vlerësimit në rastin e rimarrjes së zërave. Aktivitetet dhe detyrimet

3. PËRMBLEDHJE E POLITIKAVE KONTABËL (vazhdim)**3.2 Monedha funksionale dhe raportuese (vazhdim)**

monetare në monedhë të huaj në datën e raportimit janë përkthyer në monedhën funksionale me kursin e këmbimit në datën e raportimit. Zërat jo monetare të cilat janë matur me kosto historike në monedhë të huaj, përkthehen në monedhën funksionale me kursin e këmbimit në datën e transaksionit. Fitimet dhe humbjet nga kurset e këmbimit që rezultojnë nga kryerja e këtyre transaksioneve dhe nga konvertimi i aktiveve dhe detyrimeve monetare të shprehura në monedhë të huaj me kursin e fundit të vitit njihen në fitime ose humbje. Fitimet dhe humbjet nga kursi i këmbimit paraqiten në pasqyrën e fitimit ose humbjes dhe e të ardhurave të tjera gjithëpërfshirëse si "Fitim/(humbje) nga kursi i këmbimit, neto".

a. Aktivet afatgjata materiale**i. Njohja dhe matja**

Zërat e aktiveve afatgjata materiale janë vlerësuar me kosto historike dhe pakësuar për amortizimin e akumuluar apo zhvlerësimin.

Kostoja përfshin të gjitha shpenzimet që i atribuohen marrjes dhe përdorimit të aktivitetit. Kosto e aktiveve të ndërtuara nga vetë Shoqëria përfshin kostot e materialeve dhe punës direkte dhe çdo kosto tjetër të atribueshme për sjelljen e aktivitetit në kushte pune për përdorimin e destinuar të tij.

Kur pjesë të një zëri të aktiveve afatgjata materiale kanë jetë të dobishme të ndryshme, ato pasqyrohen si pjesë të veçanta (komponentë kryesorë) të aktiveve afatgjata materiale.

ii. Kostot e zëvendësimit

Kosto e zëvendësimit të pjesëve të aktiveve afatgjata materiale njihet në vlerën neto të zërit nëse është e mundur që kosto e pjesës dhe përfitimet e ardhshme ekonomike nga pjesa zëvendësuese mund të maten me besueshmëri. Kostot e riparimit dhe mirëmbajtjes njihen në fitim ose humbje kur ato ndodhin. Vlera e mbetur dhe jeta e dobishme e një aktiviteti rishikohen në fund të çdo periudhe raportuese. Fitimi ose humbja nga shitja apo nxjerrja jashtë përdorimit përcaktohen si diferenca mes shumës neto nga nxjerrja jashtë përdorimit të aktivitetit (nëse ka) dhe vlerës kontabël (neto) të zërit.

iii. Amortizimi

Amortizimi llogaritet duke përdorur metodën e vlerës kontabël neto, duke filluar nga data e vënies në përdorim e aktivitetit (nëse vënia në përdorim nuk është e menjëhershme). Toka nuk amortizohet. Normat e amortizimit dhe metodat e përdorura për kategoritë e aktiveve afatgjata materiale, si makineri e pajisje, automjete etj., paraqiten si me poshtë:

Makineri dhe pajisje	Mbi vlerën kontabël neto	20%
Kompjuter dhe pajisje informatike	Mbi vlerën kontabël neto	25%
Mobilje zyre	Mbi vlerën kontabël neto	20%
Përmirësime të pronës me qera	Mbi vlerën kontabël neto	5%

Metoda e amortizimit, jeta e dobishme dhe vlera e mbetur për çdo kategori rishikohet në fund të çdo periudhe raportuese.

b. Aktivet financiare

Shoqëria disponon vetëm instrumente financiare jo-derivative, të përbëra vetëm nga parapagime dhe të arkëtueshme të tjera, mjete monetare dhe të tjerë ekuivalentë, llogari të pagueshme, të tjera detyrime dhe detyrime ndaj ortakëve. Instrumentet financiare jo-derivative njihen fillimisht me vlerën e drejtë duke shtuar, për instrumentet e mbajtur jo me vlerë të drejtë nëpërmjet fitimit/humbjes, çdo kosto transaksioni që lidhet drejtpërsëdrejti me to, përveç siç përshkruhet më poshtë.

Një instrument financiar njihet nëse Shoqëria bëhet palë në kushtet kontraktuale të instrumentit. Aktivet financiare regjistrohen kur skadojnë të drejtat kontraktuale të Shoqërisë mbi flukset e parasë

3. PËRMBLEDHJE E POLITIKAVE KONTABËL (vazhdim)**3.2 Monedha funksionale dhe raportuese (vazhdim)****b. Aktive financiare (vazhdim)**

së aktivitet financiar ose kur Shoqëria transferon aktivin financiar tek një palë e tretë pa mbajtur kontrollin ose gjithë risqet dhe përfitimet thelbësore të aktivit. Blerjet dhe shitjet normale të aktiveve financiare kontabilizohen në datën e transaksionit, që është data në të cilën Shoqëria angazhohet të blejë apo të shesë aktivin.

Kompania vlerëson në fund të çdo periudhe raportuese nëse ka ndonjë evidence objektive që një aktiv financiar ose grup i aktiveve financiare është zhvlerësuar. Nëse ekziston një evidencë e tillë, Shoqëria mat humbjen nga zhvlerësimi si diferencë midis vlerës kontabël neto të aktivit dhe vlerës aktuale të flukseve monetare të ardhshme të vlerësuara. Shuma e humbjes njihet në fitim ose humbje.

Detyrimet financiare regjistrohen nëse detyrimet kontraktuale të njësisë raportuese skadojnë, shfuqizohen ose anulohen. Diferenca midis vlerës kontabël të një pasivi financiar dhe shumës së paguar njihet në fitim ose humbje.

Pas njohjes fillestare, instrumentet financiare jo-derivative maten siç përshkruhet me poshtë:

a) Mjete monetare dhe të tjerë ekuivalentë

Mjetet monetare dhe të tjerë ekuivalentë përfshijnë arkën, depozitat dhe llogaritë njëdhëse bankare si dhe investimet afatshkurta me likuiditet të lartë dhe me maturitet tre muaj ose më pak. Ato njihen fillimisht me vlerën e tyre të drejtë dhe maten më pas me koston e amortizuar

b) Llogari të arkëtueshme

Llogaritë e arkëtueshme njihen fillimisht me vlerën e drejtë dhe më pas maten me kosto të amortizuar duke zbritur humbjen nga zhvlerësimi. Provizionet për zhvlerësimin e llogarive të arkëtueshme llogariten kur ka të dhëna se Shoqëria nuk do të jetë në gjendje të mbledhë të gjitha detyrimet në përputhje me termat kontraktuale të këtyre llogarive të arkëtueshme.

Vështirësitë financiare të debitorit, mundësia që debitori të falimentojë ose riorganizimi financiar, dhe mospagesa apo vonesa në pagesa konsiderohen tregues për zhvlerësimin e llogarive të arkëtueshme. Shuma e provizionit llogaritet si diferencë midis vlerës së mbetur dhe vlerës aktuale të flukseve të ardhshme të parashikuara të parasë të skontuara me normën efektive të interesit.

c) Llogari të pagueshme dhe detyrime të tjera

Llogaritë e pagueshme dhe detyrime të tjera paraqiten me vlerën e tyre të drejtë dhe më pas me kosto të amortizuar.

3.3 Zhvlerësimi

Aktivet me jetëgjatësi të papërcaktuar nuk janë subjekt i amortizimit dhe testohen çdo vit për zhvlerësime të mundshme.

Një aktiv testohet për zhvlerësim nëse ka të dhëna objektive që tregojnë se një apo disa ngjarje kanë efekte negative në flukset e ardhshme të parashikuara të aktivit.

Një humbje zhvlerësimi në lidhje me aktivin llogaritet si diferencë midis vlerës së mbetur dhe vlerës së rikuperueshme. Vlera e rikuperueshme është vlera e drejtë minus kostot për shitje ose vlera në përdorim e një aktivi, cilado qoftë më e lartë.

Vlera e mbetur e aktiveve jo-financiare të Shoqërisë rishikohet në çdo datë raportimi për të përcaktuar nëse ka të dhëna për zhvlerësim. Për qëllime të vlerësimit të zhvlerësimit aktivet grupohen në grupet më të vogla të mundshme për të cilat flukset monetare identifikohen veçmas (njësi gjeneruese të parasë).

3. PËRMBLEDHJE E POLITIKAVE KONTABËL (vazhdim)**3.4 Inventari**

Inventari paraqitet me vlerën më të vogël mes kostos dhe vlerës neto të realizueshme. Kosto përbëhet nga kostot e materialeve direkte, punës direkte, kosto të tjera direkte dhe shpenzime të lidhura me prodhimin. Vlera neto e realizueshme është çmimi i vlerësuar i shitjes në rrjedhën normale të biznesit minus kostot e vlerësuara të përfundimit dhe kostot e vlerësuara të nevojshme për të bërë shitjen.

3.5 Kapitali

Kapitali është njohur në pasqyrat financiare me vlerën nominale.

3.6 Tatimi-fitimi dhe tatimi i shtyrë

Shpenzimi i tatim-fitimit përfshin tatimin e periudhës dhe tatimin e shtyrë. Tatim-fitimi njihet drejtpërdrejt në fitime ose humbje përveç rasteve kur lidhet me zëra që njihen drejtpërdrejt në kapital ose në të ardhura gjithëpërfshirëse.

Tatim-fitimi i periudhës llogaritet sipas normave tatimore të miratuara në datën e raportimit dhe duke marrë në konsideratë çdo rregullim të tatimit të pagueshëm nga vitet e mëparshme.

Tatimi i shtyrë llogaritet mbi diferencat e përkohshme midis vlerës së mbetur të aktiveve dhe detyrimeve për qëllime të raportimit financiar dhe vlerës së përdorur për qëllime fiskale. Tatimi i shtyrë llogaritet me normat e tatimit që priten të aplikohen mbi diferencat e përkohshme në periudhën kur ato rimerren, bazuar në legjislacionin në fuqi deri në datën e raportimit.

Një aktiv tatimor i shtyrë njihet deri në atë masë ku mund të pritët që në të ardhmen të ketë fitime të tatueshme të mjaftueshme për realizimin e diferencave të përkohshme.

Aktivet nga tatimet e shtyra rishikohen çdo datë raportimi dhe zvogëlohen në rastet kur nuk është më e mundur që përfitimi tatimor përkatës të realizohet.

Në përcaktimin e vlerës së tatimit aktual dhe atij të shtyrë Shoqëria merr në konsideratë ndikimin e një pozicioni tatimor të paqartë dhe gjithashtu mundësinë e rritjes së detyrimit tatimor dhe interesave.

Shoqëria beson se njohja e detyrimeve fiskale është e përshtatshme për vitet në vazhdim pasi është bazuar në vlerësimin e një sërë faktorësh, përfshirë interpretimin e ligjit tatimor si dhe eksperiencat e mëparshme.

Ky vlerësim mbështetet në një sërë vlerësimesh dhe supozimesh që përfshijnë gjykime lidhur me ngjarje të ardhshme. Informacione të reja mund të shkaktojnë ndryshime në gjykimin e Shoqërisë lidhur me përshtatshmërinë e detyrimeve ekzistuese tatimore; të tilla ndryshime në detyrimet tatimore do të ndikojnë shpenzimet tatimore të periudhës në të cilën ndodhin.

3.7 Përfitimet e punonjësve***Sigurimet shoqërore dhe shëndetësore***

Bazuar në legjislacionin shqiptar, Shoqëria është e detyruar të paguajë në emër të punonjësve të saj kontribute të detyrueshme në një fond të veçantë të menaxhuar nga qeveria. Të gjitha pagesat dhe detyrimet njihen si shpenzime në periudhën të cilës ato i përkasin.

3.8 Provizionet

Provizionet për restaurime mjedisesh, kostot e ristrukturimit, detyrimet tatimore dhe pretendimet legale njihen nëse, si rezultat i një ngjarjeje të shkuar, Shoqëria ka një detyrim ligjor apo konstruktiv i cili mund të vlerësohet në mënyrë të besueshme, për të cilin do të kërkohen flukse dalëse parash për shlyerjen e tij, dhe që shumat e këtyre flukseve llogaritet në mënyrë të besueshme. Nuk njihen provizione për humbje të ardhshme operative.

Kur ka një numër të madh detyrimesh të njëjta, probabiliteti që një fluks dalës të kërkohet për t'i shlyer përcaktohet duke e konsideruar klasën e detyrimeve si një të vetme. Një provizion njihet edhe kur ka të ngjarë që fluksi dalës për ndonjë nga zërat e së njëjtës klasë detyrimesh të jetë i vogël.

3. PËRMBLEDHJE E POLITIKAVE KONTABËL (vazhdim)**3.8 Provizionet (vazhdim)**

Provizionet përcaktohen duke skontuar flukset e pritshme të ardhshme të parasë me një normë para tatimit që pasqyron vlerësimet aktuale të tregut për vlerën në kohë të parasë dhe për risqet specifike të detyrimit. Rritja e provizionit për shkak të kalimit të kohës njihet si shpenzim interesi. Provizionet rishikohen në fund të çdo periudhe raportuese dhe përshtaten për të reflektuar vlerësimin më të mirë aktual. Nëse përcaktohet se nuk do kërkojnë me burime ekonomike për të shlyer detyrimin, provizioni rimerret. Shuma e rimarrë njihet në fitim ose humbje.

3.9 Njohja e të ardhurave

Të ardhurat janë flukset hyrëse bruto të përfitimeve ekonomike lindur në rrjedhën normale të aktiviteteve të njësisë ekonomike që rezultojnë në rritje të kapitalit neto gjatë periudhës dhe nuk përfshijnë rritjet e kapitalit neto në sajë të kontributeve të ortakëve. Të ardhurat përfshijnë vlerën e drejtë të shumës së arkëtuar apo të arkëtueshme nga shitja e të mirave dhe shërbimeve në rrjedhën normale të aktiviteteve të Shoqërisë. Të ardhurat nuk përfshijnë tatimin e vlerës së shtuar, kthimet, rabatet dhe zbritjet si dhe shitjet e eliminueshme brenda Shoqërisë, nëse ka.

(a) Të ardhurat nga interesat

Të ardhurat nga interesi njihen mbi bazën e të drejtave dhe detyrimeve të konstatuara duke përdorur metodën e interesit efektiv. Kur një aktiv zhvlerësohet, Shoqëria redukton vlerën e mbartur të tij deri në vlerën e rikuperueshme, e cila është e barabartë me flukset e ardhshme të aktualizuara me normën efektive të interesit të instrumentit, dhe vazhdon të njohë shumën e skontuar si të ardhur nga interesi. Të ardhurat nga interesi në lidhje me huatë e zhvlerësuar njihen duke përdorur normën fillestare efektive të interesit.

(b) Të ardhura të tjera

Të ardhurat e tjera të Shoqërisë përbëhen nga të ardhurat nga aktiviteti saj i zakonshëm (fitimet nga shitjet e aktiveve, të ardhurat nga qiratë operationale, kompensimet e marra për shpenzimet e bëra), të cilat njihen në periudhën të cilës ato i përkasin.

4. MENAXHIMI I RISKUT FINANCIAR**4.1 Faktorët e riskut financiar**

Shoqëria është e ekspozuar ndaj disa risqeve si: risku i tregut (përfshirë riskun e kurseve të këmbimit dhe riskun e normës së interesit), risku i kredisë dhe risku i likuiditetit. Programi i Shoqërisë për menaxhimin e përgjithshëm të riskut fokusohet në përcaktimin e kufijve të ekspozimit ndaj risqeve të ndryshme.

a) Risku i tregut

Risku i tregut është risku i humbjes që rezulton nga ndryshimet në çmimet e tregut, kurset e këmbimit dhe normat e interesit. Niveli i riskut të tregut ndaj të cilit Shoqëria është e ekspozuar ndryshon në varësi të kushteve të tregut, pritshmërive të ndryshmeve të ardhshme të çmimeve ose normave të tregut dhe përbërjes së aktiveve fizike dhe portofolit të kontratave të Shoqërisë.

i. Risku i kurseve të këmbimit

Shoqëria është e ekspozuar ndaj riskut të kursit të këmbimit kryesisht në lidhje me ekspozimet në monedhën Euro. Risku i kursit të këmbimit vjen kryesisht kur transaksionet e ardhshme tregtare ose aktivet dhe detyrimet janë të shprehura në një monedhë të ndryshme nga monedha funksionale e Shoqërisë.

SPITALLA SOLAR SHPK

Shënime shpjeguese të pasqyrave financiare për vitin e mbyllur më 31 dhjetor 2021

(shumat në Lekë, nëse nuk është specifikuar ndryshe)

4. MENAXHIMI I RISKUT FINANCIAR (vazhdim)

4.1 Faktorët e riskut financiar (vazhdim)

Shoqëria nuk mbrohet ndaj ekspozimit kundrejt riskut të kursit të këmbimit pasi nuk priten humbje të rëndësishme për shkak të ndryshueshmërisë në kurset e këmbimit krahasuar me kurset që mbizotërojnë në datën e raportimit. Ekspozimi i Shoqërisë ndaj riskut të kurseve të këmbimit më 31 dhjetor 2021 është si më poshtë:

2021	në EURO	në LEKË	Total
Aktive financiare			
Llogari të arkëtueshme	6,193,000	61,866	6,254,866
Mjete monetare dhe të tjerë ekuivalentë	4,397,019	988,334	5,385,353
Total	10,590,019	1,050,200	11,640,219
Detyrime financiare			
Të pagueshme tregtare dhe të tjera	-	(16,740)	(16,740)
Total	-	(16,740)	(16,740)
Risku i kursit të këmbimit më 31 dhjetor 2021	10,590,019	1,033,460	11,623,479

Më poshtë paraqiten kurset e rëndësishme të këmbimit në Lekë për njësi të monedhës së huaj në datën e raportimit dhe vlera mesatare vjetore:

	31 dhjetor 2021	Mesatar vjetor
EUR	120.76	122.44

ii. Risku i normës së interesit

Të gjitha aktivet me interes të Shoqërisë kanë të bëjnë me llogaritë bankare. Të ardhurat dhe flukset monetare të Shoqërisë nuk janë të ekspozuara në mënyrë të ndjeshme ndaj ndryshimeve në normat e interesit në treg. Shoqëria nuk ka detyrime që mbartin interesa dhe rrjedhimisht nuk përballlet me riskun e normës së interesit në lidhje me detyrimet.

b) Risku i kredisë

Risku i kredisë është risku i humbjes financiare të shkaktuar nga dështimi i palës tjetër për të shlyer detyrimet e saj financiare kundrejt Shoqërisë dhe vjen kryesisht nga llogaritë e arkëtueshme të Shoqërisë.

Vlera e mbetur e aktiveve financiare përfaqëson riskun maksimal të kreditit. Risku maksimal i kreditit në datën e raportimit është:

Mjete monetare dhe të tjerë ekuivalentë	5,385,353
Llogari të arkëtueshme	6,254,866
Totali	11,640,219

c) Risku i likuiditetit

Risku i likuiditetit përkufizohet si risku që njësi të basë vështirësi në shlyerjen e detyrimeve të veta financiare. Shoqëria është e ekspozuar ndaj kërkesave ditore për përdorim të burimeve të veta të parashë, kryesisht për të shlyer shpenzimet operative për aktivitetin e saj të zakonshëm. Menaxhimi monitoron çdo ditë, javë dhe muaj duke përditësuar parashikimet e flukseve të parashë së Shoqërisë.

SPITALLA SOLAR SHPK

Shënime shpjeguese të pasqyrave financiare për vitin e mbyllur më 31 dhjetor 2021

(shumat në Lekë, nëse nuk është specifikuar ndryshe)

4. MENAXHIMI I RISKUT FINANCIAR (vazhdim)

4.1 Faktorët e riskut financiar (vazhdim)

Tabëla më poshtë analizon detyrimet financiare të Shoqërisë sipas niveleve të maturimit bazuar në periudhën e mbetur të raportimit deri në datën kontraktuale të maturimit:

2021	Deri në 6 muaj	6 deri 12 muaj	1 deri 5 vjet	Totali
Aktive financiare				
Llogari të arkëtueshme		6,254,866		6,254,866
Mjete monetare dhe të tjerë ekuivalentë	-	5,385,353	-	5,385,353
Total	-	11,640,219	-	11,640,219
Të pagueshme tregtare dhe të tjera	-	16,740	-	16,740
Total	-	16,740	-	16,740
Risku i likuiditetit më 31 dhjetor 2021	-	11,623,479	-	11,623,479

5. Kapitali themeltar

Kapitali përbëhet nga 1 kuotë në vlerën 12,386,000 lekë, të zotëruar nga shoqëria e huaj Voltalia Management International B.V. Deri më datë 31.12.2021 është paguar gjysma e kapitalit.

6. Parapagime dhe aktive dhe të tjera

	31 dhjetor 2021
Tvsh e zbritshme	61,866
Kapitali i nënshkruar i papaguar	6,193,000
TOTALI	6,254,866

7. Mjete monetare dhe ekuivalentë të tyre

	31 dhjetor 2021
Banka në Lekë	988,334
Banka në Euro	4,397,019
TOTALI	5,385,353

8. Llogari të pagueshme dhe detyrime të tjera

	31 dhjetor 2021
Sigurime shoqërore dhe shëndetësore	16,740
TOTALI	16,740

9. Të ardhura të veprimtarisë

Gjatë vitit 2021, Shoqëria nuk ka kryer aktivitet ekonomik dhe nuk ka realizuar të ardhura.

10. Shpenzime personeli

	31 dhjetor 2021
Shpenzime të sigurimeve shoqërore	150,660
TOTALI	150,660

Shpenzimet e personelit për vitin e mbyllur 31 dhjetor 2021 janë 150,660 Lekë dhe përbëhen nga kostoja e pagës dhe nga sigurimet shoqërore dhe shëndetësore të paguara për administratorët e Shoqërisë.

SPITALLA SOLAR SHPK

Shënime shpjeguese të pasqyrave financiare për vitin e mbyllur më 31 dhjetor 2021

(shumat në Lekë, nëse nuk është specifikuar ndryshe)

11. Shpenzime operative

	31 dhjetor 2021
Shërbime financiare dhe kontabël	309,329
Shpenzime qiraje	42,753
Komisione bankare	24,621
Taksa dhe tarifa vendore	55,875
Gjoha dhe penalitete	15,835
TOTALI	448,413

12. Shpenzime financiare neto

	31 dhjetor 2021
Humbje nga këmbimet valutore	167,474
Fitim nga këmbimet valutore	(4,026)
TOTALI	163,448

13. Tatimi fitimi

Humbja tatimore e Shoqërisë për periudhën është llogaritur duke rregulluar humbjen kontabël me shpenzimet e panjohura, si vijon:

	31 dhjetor 2021
Humbja e vitit para tatimit	(762,521)
Shpenzimet e pazbritshme	15,835
Humbja tatimore e vitit	(746,686)

Për vitin e mbyllur më 31 dhjetor 2021 Shoqëria ka rezultuar me humbje fiskale prej 746,686 Lekë.

14. Ngjarje pas periudhës së raportimit

Nuk ka ngjarje të tjera përveç sa më sipër, mbas datës së raportimit të cilat mund të kërkojnë rregullime apo paraqitje të informacionit në pasqyrat financiare të Shoqërisë.